

Vg
559



Vg
559

Wie ein Erbare Chriſtliche Frau u.
 namen Argula von Gumpach geboren
 von Stauff / in Beyern durch iren / in Bötlicher ſchafft
 wolgegründten Sendtbrieff / die Hohenschul zu Ingol
 ſtadt / vmb das ſie einen Euangelische Jüngling (Des na
 men Arſatinus Schouer von Wünchen) zu widderſprech
 ung des worts Gottes / betrangt haben / ſtraffet.



Auch volgen hiernach die Artickel so
 Magister Arſatinus Schouer von Wünchen / durch die
 Hohenschul zu Ingolſtat berecht am abēt vnſer Frauen
 geburt nechſt vorchynen / widderſprechen vnd verwerf
 fen hat.

Actum Ingolſtat. M. D. XXXIIj.



Vorrede.

Bruder: es ist zeit vñ schlaff auffzu
steen. wan vnser Heyliff neher w eder wir glau
ben. Darumb O christlicher leser/ vñnd auch
jr verplenten/ plinten/ wütteten Phariseier/ Die yr alwe
gen dem Heiligē geyst widerstādē habt/ wolt ir den woz
ten Christi nit glauben/ so glaubt doch den werckē/ die
er do durch thut. Legt ab den decksal euer grossen hoch
fart/ geytz vñd fleischliche wollust. Mercket vñd greyf
fet/ wie gnediglich/ vetterlich/ manigfeltig vñd wüder
barlich Christus vnser seligmacher/ in disen letzten ta
gen (als im anfang seiner Kirchen auch beschach) vns
nit allein durch geleerte der schrift/ sunder auch durch
ander vil junger vñ alter/ mans vñd weibs bilder grosse
bestendikeit/ pein/ marter/ vñd tod/ zu seinem götliche
seligmachenten wort locket vñ stercket / vñd die vernol
ger desselben so scheinlich/ entlich schendet / damit ewer
Hertzen nit als Pharaonis (Exodi am. 4.) verstockt vñd
verhertet beleibe. So ir doch nichts gewiesers spüret /
Dan so die kinder (Luce am. 19.) schwigen / Das die stein
reden würden. Vñd Jobel. am. 2. nach diser zeyt / werd
ich giessen meinen Geyst auff alles fleisch / vñnd werden
prophezeien oder warsagen ewer Sone vñ euer töchter.
Auch euer knecht vñnd meyde / vñnd ich werd würcken
im Hünel / vñd auff erden / ehe der groß vñd erschrockē
lich tag gottes kumbt. Welcher spruch itzo manicherley
weiß / vñnd sunderlich ytz in gemeltem weib offentlich er
scheinet dieweil auß irem nachgeschriben Sendbrieff ge
funden wird / Das sie Darinnen die schriftgelerte der Ho
henschul zu Ingolstat (a's Judith am. 8. Die irrende prie



Her) mit vil zefurten vnüberwindlichen Böttlichen
schriffren / vñ wegen irer veruolgung des heyligē Euan
geliums / mer weder glaublich (vñ vormals von weib
lichem geschlecht dergleichē gar wenig / vñ bey vnsern
zeyten nie gehöert) straffet / ermanet / vñ vnterweiset.
Vnd das noch mer ist / sich in gemeltem irem sendbrieff
erbeit / derhalb für gedachte schriftgelerte zuerhöer
zukomen. Darauk zuersteen ist / das sie solch ir getha
nes schreiben nit durch anderer vnderweysung / sunder
allein vom geyst gotes hat. Sie lest sich auch vil neulich
er exēpel greuslicher straff (wider etliche verfechter des
göttlichen worts gebrauch) an solchem irem christliche
werck nit verhindern / sunder sich / gleych der heyligen
Hester / vñ heyls willē des volcks (Hester am. 4.) dem
tode vnd der verderbung ergeben hat. Vnd wil mit der
heyligen Susanna (Danielis am. 13.) lieber on werck in
die hend der menschen fallen / dan mit verschweigūg der
warheit vor got sundigen. Darumb wir / von wegen sig
licher vberwindung der aller hochfertigisten grōstem
feind christi (als Judith am. 9.) zu got betten vñ sprechē
mögen / O her es wirt ein grosse gedechtnus deines na
mens / so yne die handt des weibs vberwindet. Vñnd
sollen billich mit dem heyligen Zacharia in gott jubilirē
vnd singen. Gebenedeiet sey der herz Gott Israhel / der
heimsuchung vnd erlöjung gethan hat seinem volck.

Man volgt hernach der Christ
lich Sendbrieff obgedachts
weybs.

a ij

Der herr sagt Joannis am .xij. Ich
liecht kom in die welt / das ein ytzlicher / der in
mich glaubt nit beleib in der finstern^o. Welchs
liecht ich hertzlich wünsch vns allen bey zuwonnen / vnd
zuerleuchten alle erstockte vnd erplinte hertzen / amen.
Ich find einen spruch Mat. 10. also lauent. Wer mich
bekent vor den menschen / den beken ich auch vor meinē
himlischen vatter. vñ Luce. 9. Wer sich mein schembt vñ
meiner wort / des wird ich mich auch schemē so ich kom
in meine Maiest. zc. Solche wort von gott selbs geredt
seind mir alzeit vor meinen augen. Dañ es werden weder
frawen / noch man darinnē außgeschlossen. Auß disen
wird ich / als ein christ gedungē euch zuschreiben. dan
Ezech. 33. Sichstu sunden deinē bruder / so straff in / oder
ich wil sein bluet erfordern von deinē henden. Mathei. 12.
sa. 3: der herr / al sund werdē vergebē / aber die sund wid
den heilige geyst werden nit vergeben / weder hie noch
dort. Vnd Ioan. 6. sagt der herr. Meine wort sein geyst
vñ leben zc. Ach gott wie werd ir besteen mit ewer hohē
schul / das ir so törlische vñ geweltigliche hädelt. wider
das wort gottes / vñ mit gewalt zwingt das heylig euā-
gelium in der hand zuhalten / das selbig darzu zuuerlau-
gen / als ir dan mit Arsatio Gehouer gethan habt / vñ
im ein solchen ayd vnd verschreibung für gehalten / mit
gefenecknis / vñ troung des sewers / darzu gezwungen /
christum vnd seines worts zuuerlaugnen. Ja so ichs be-
tracht / so ertzitert mein hertz / vñ alle mein gelider. was
leert dich Luttzer oder Melonchton anderst / dan das
wort gottes: Ir verdambt sie vnubewunden / hat euch
das christus geleert oder sein Apostel / Propheetē / oder
Euāgelistē: zeygt mir wo es stet ir hohē meister / ich find
es an keynem ort der Bibel / das christ^o / noch sein apo-
stel / oder propheetē gekerckert / gebiet / noch gemort ha

ben/oder das land verbotten zc. Wist ir nit das der her
sagt Mat. 10. Mit furcht den/der euch den leib nimbt
vnd dan nicht mer vermag. Aber den solt ir furchtē/der
macht hat sele vñ leib zuuersenckē in die hell. Man weiß
woll wie fer man der obrikeyt gehorsam sein soll. Aber
vber das wort gottes haben sie nichtz zugebietē/weder
Pabst/Keyser/noch fürstē/als Act. 4. vnd. 5. Ich
beken aber bey got/vñ meiner selē seligkeit/wo ich Lu-
thers/vnd Melonchtonis schrift verlaugnet/das ich
gottes vnd seines worts verlaugnet/davor got ewig sey
Amen. ¶ Habt ir nit gelesen Hierem. am. 1. da der her
sagt zu jm/Was sichstu? sagt er. Ich sich ein wachende
ruet. sagt der her/Du hast recht gesehen/ich wach al-
zeit vber mein wort/das ich es thue. Fragt er inzum an-
dern/Was sichstu aber mer? Ich sich einē brinnēden ha-
fen/vñ das anliuz geet von mitternacht/sagt der her/
Du hast recht gesehen/dan von mitternacht wird eröff-
net alles ybel/allen inwonern der erde/der haffen brint
ir werd in warlich mit ewer hohenschul nit erlesehē. Des
Pabsts Decretal/noch Aristoteles der nye kein christ
worden ist. vermögens mitsambt euch nit/dz ir vermeit
got sein propheetē vñ apostel vom himel zustossen/vnd
auß der welt zutreiben/es geschicht nit. Sit euch mein
liebē herreē. in lenger beleibē zulassen setzt kein zweiffel
darein/gott werde sein heiliges gebenedeyttes wort
woll erhaltē/als er dann bißher nach antzeyg als
vñ news Testaments gethan hat/noch thut/vnd hin-
fur thun wirt. Got würd euch begegne wie der propheet
Osee sagt. 13. Sie hieben auff jre hertz/vnd vergassen
mein/Ich würde in als ein Lewin an dem weg/vnd
will in begegne als ein Herin/der ire junge gesucht seid
¶ Vnd Osee am. 6. Ich erschlug sie in den worten meines
müds. We euch das ir habt gemacht dē rath vñ nit auß
mir ysaie. 30. vnd Ezechielis. am. 13. Wee den vnweyßen

we sagen / die da nachfolgē irem geyst / Sie sehen die
vnnützen ding / vnd lernen die lügen / vnd sprechen. Der
Herz sagt / so ichs nit hab geredt / noch sie gesend / vñ
ein handtuol gersten / vñnd stuck brot erschlagen sie die
seel / die da nit sterben vñ sagen lebendig ir seel / die da
nit leben / vñd liegē vor meinem volck / die lügen zu glau-
ben. zc. Was sagt gott meer Ezechie. am. 33. Die troung
des Herze war im als ein suß gesang der Musica / biß die
straff kombt / dan so wissen sie / das ein Propheet vñdter
in gewesen ist. Vñnd Hieremie am. 48. Gott wird in zu
einē gespöt / als betten sie in fundē vñder den dieben. Der
geytz hat euch besessen / ir möchtēt sunst gotes wort baß
leiden / gieng euch nit ab / on vertruckung des Decrets.
Das Euāgelium tregt nit so vil pfenning in seinē rathsch
legen. Ich hab gesehen / das mein Herz vatter seliger
zweintzig guldein vmb vier zeil rathschlags must geben
war in nit eins pfennings nütz. Was sagt aber David
am. 36. psal. Ich bin gewest iungk / vñd alt worden / hab
nit gesehen die kinder des gerechtē geen nach dem brot /
Ich bit euch / vertraut gott / er wird vns nit verlassen /
dan er hat alle vnserē har in acht / vñd gezelt / als Mat.
10. Ich hab lang gehöert / wie ewer Decretalischer pre-
diger zu vnser frawen hat geschryen / ketzer / ketzer / wie
wol es schlecht latein ist / küds selbs wol bin doch auff
keiner hohenschull gewest. Aber zu probirn / bedarfs
mer / Ich hab ymmer im synn gehabt im zuschreibē / mir
die ketzerischen artickel anzuseygen / die der getrew ar-
beiter des Euāgeliums Martinus Luttber gelert hab
Jedoch mein geyst ernndertruckt / vñ mit schwermütig-
keit vñderlassen / vrsach das Paulus sagt. 1. Thimo. 2.
Die weiber sollen schweigen / vñd nit redē in der kirchē.
Nun ich aber in dyser art kein man sehe der reden will /
noch darff / dringt mich der spruch / Wer mich bekent /
wie obangezeygt / Vñnd nyñ für mich ysaiā. am. 8. Ich

stBick in kinder zu Fürsten / vnd weiber / oder weybisch
werdē sie beherschen. Vñ ysai. am. 29. Die irrendē wern
wissen die vernufft im geyst / vnd die murrer lernen dz
gesetz / vñ Ezech. am. 20. Ich hieb auff mein hand wider
sie / das ich sie zerstreuet / Sie therten nit meine vrteil vñ
verwurffen mein gebot / vnd ire augen waren nach den
abgöttern irer vater / Darum gab ich in gebot / vnd nit
gutte / vnd vrteil in den sie nit leben / vñ psal. 8. Du hast
volbracht das lob auß dem müd der kinder / vñ der sau-
gendē / von wegen deiner feind / vnd Luce am. 10. Jesus
erfreut sich im geist / vñ sagt / Watter ich sag dir danck
das du diese ding hast verborgen / vor den weysen / vnd
die geoffenbart dē kleinē Kiere. am. 3. Sie wern got al er
kennen / von iren wenigstē biß zu den meisten. Ioan. am
6. vñ ysai. am 54. Sie wern all vō got gelernt. Pau. 1. co.
am. 12. Niemand mag sprechen Jesus / on den geyst got-
tes Wie auch der Herz Matth. 16. zu der bekantnus Petri
sagt / fleisch vñ blut hat dirs nit geoffenbart / aber mein
himlischer vater. Höert ir / dz vns dē verstād. got vñ kein
mensch kan gebē. als auch paul⁹. 1. co. am. 2. ewer glaub
sol nit seyn in der weyßheit der mēschen zc. Ir werd vns
mit ewrē Bestlichē gesetzē lang nit darzu dringen / wir
haben gnüg anzeygüg der schrift / das sie nit on gotes
befelch macht haben gehabt / gesetz zu machē. als Kiere.
23. wo es aber in der Sibel welches buch allē befelch go-
tes inhalt / gegrund ist / wollen wirs gern vñ frolich an-
nemen. wo aber nit / gilt es vns ebē nichts dan souil / als
ich daran meines schwachē vnuerstēdigē bruders scho-
nē muß solāg biß er auch vnderwisen wirt. dan got sagt
Deute. am. 4. Du solt nichtz zu meinē wort thū noch dan
nemē. vñ prouer. am. 30. Nichtz zuleg zū den wortē gottes
das du nit werdest gestraffet vñ gefunden ein lügner. vñ
gleich da 102 stet / das wort gotes ist ein feuriger schilt.
allē die sich vortröstē oder versehē in in ysai. vñ Kiere. dz

wort Das ich euch sag / verkünd inen auß meiner müdēt.
wie wern die gesetzmacher vñ ire statthalter besteen / die
gesetz aus iren eigen köpfen / vnd nit auß dem rath vnd
wort gottes gemacht haben. Ich mein der Herz treff sie
matth. am. 15. O jr Heuchler / jr habt zunicht gemacht dz
gebot gottes von wegē ewrer auffatz / vnd heist es ver-
geblich geert / so man in eret mit gebot der mēschen. vnd
Luce am. 11. We euch gesetzweisen / jr bind schwere bur-
den den mēschen / die sie nit tragen mögē / vñ jr berürt sie
nit mit ein finger / vñ darnach am selben capi. wee euch
gesetzweisen / jr get nit hineyn / vñ die da woltē eingeen /
werent jr auch eynzugeen / jr die jr habt den schlüssel der
kunst / vñ beschliest das reich der himel zc. Hört den Her-
ren matth. am. 24. So der böß knecht wirt anfaßē sein ge-
sellen zuschlaßen / wölle er komen zu der stund / die er nit
weist / in von eināder scheiden / vñ seinen teil setzē mit dē
gleichnern / da wirt nichtz sein dan Heulen vñ zckenklapern
Dauor vns gott alle behuet. Mich erbarmē vnserē fürstē
das ir sie so jemerlich verfaert vñ betriegt / dan ich weiß
wol das sie der götlichen schriffte nit wol berichtet seind /
Wetten sie aber die zeit vor andern geschestten / acht ich
sie wurden auch die warheit ersarē / das niemants vber
das wort gottes zu gebietē hat / Ja kein mēsch / sey wer
er wöll / darinnē zu regirē. Aber das wort gottes on wel-
ches nichtz gemacht ist / allein es sol vñ muß regirē. wā
man den glauben gebietē köndt / warumb hat man den
nit allen vnglaubigē lengst mādat geschickt zuglaubē
macht aber dz solchs dz wort gotes muß lernē nit fleisch
vñ blut. Ir werd nit einē solchē rbum mit Arsatio Behof-
fer auffhebenn / mutzt in hoch auff in seinem furgeschri-
ben vñ genöthen alde / heist in ein meyster der sibē freyen
künste. Aber eins habt ir vergessen / das er ist bey achtze-
hen jaren / vnd noch ein kind / ander werns nit vergessen
So mir das auß andern Stetten ist zugeschickt worden

in soleher kurtzer zeit / werd ir warlich der gantzen welt
wol bekant / wie haben doch ynser fürstē das vñ euch
beschult / Ist es darumb beschē / das sie offit ein armē
reych gemacht haben vnder euch / wes zeycht ir sy doch
das ir sie / vnd dise ire löbliche gestifftē Uniuersitet also
zu nachred der gantzen welt machent. Ach der grossen
vntrew / die ir in vmb empfangne gutheyt ertzeigt vñ bil
lich darfur däckbar werd / wes vnderstet ir euch! Dan
warlich werdē sie der warheit vnd bößgigtigs neyds vñ
euch in kurtz gewar / got wird in den rechten verstand
gebē / bit ich hertzlich / welchs ich auch schuldig zutū
bin. Dann sie ye herrē meines vatterlāds sein / auch ich
bey irem hern vattern / vñ frauen müttern / meinen gne
digē hern vnd frauen / ertzogen / ein zeitlang ir zucht /
auch götliche forcht gelernt / got sey ir belonung hir im
zeit / vnd dort in ewigkeit. Mich erbarmens / das sie nie
mands getreuz haben / der sie der warheit bericht / An
ich wol mercken kan / das ir pfennig / so man teglich vñ
in abreyt / vil meher dan sie geliebt werdē / Ich bin wil
lens in solchs zuschreiben. Dan sie vor andern geschefften
nit vber dem lesen sitzen mögē. Wie wol in das wort got
tes das nötigst wer / als der her Luce am. 10. sagt / das
sei der best teil / zu hōrē das wort gottes / An was sagt
ehr meher Luce am. 9. Ob d mēsch alle dise welt gewüne
vñ verluer dy seel / war mit wolt er sie wider erlösen. aber
sie verlassen sich auff euch / als die schriftweisen / habē
euch darub daher gesetz vñ ir habt vñ solchs nit ein we
nig auffzhebē / vñ irer armē leutē grund vñ bodē. Es ist
dise Uniuersitet so löblich von iren eltern gestifft / vnd
noch nit mit wenig costung erhaltē. Halt auch warlich
vñ gantzlich / so sie der warheit bericht / sie würden nit
altzeit also nach eurē begern handeln / als sie dan itzt mit
Seehouer gethan habē / vnd nit vergunst geben den zu
ermōrdē / als dan in seinem ayd angetzeigt ist / Gott sey
b j ewig

ewig ir belonung. Ich Hoff es werde pesser. Wer weyst auß was vrsachen sie in daber verordēt. Setz kein zwey sel darein / got hab Arsacium / oder werd in noch ansehē mit den augen seiner barmhertzigkeit / als Petrus / d̄ des Herzen zu Dreyen malen verlaugnet / dan der gerecht fellt siben mal im tag vñ stet wider auff. Got wil nit den tod des sunders / aber das er sich bekeer vñ leb / Christus d̄ Herz forcht selbs den tod / vñnd als seer / das er pluttigen schweis schwitzet / Ich Hoff ob Got will noch vil gutzs auß dysem junglig zukumen. Wie Petrus auch darnach vil gutz gewärckt hat. als er des Herze schon verlaugnet het / Welcher dannoch noch frey was / vñd nit als lāg gekerckert / noch mit troung des feuers dartzu gedrūgen als diser. Es ist leicht gedisputirt / so man nit schrift sonder gewalt braucht. In solcher disputatz siehe ich nit anderst / dan das der zūchtiger der geleerst ist. Woll hat aber der Lewffel so ein feine fastnacht mit̄ angericht / Gott wirts nit lang von euch leyden. Paulus. 2. Co. am 11. sagt der teuffel verwādel sich in einē engel des liechts Darumb sey nit wunder / das sich die falsche in die apostel christi / verwandeln. vñd Mathei am. 10. Es müssen zwytacht sein / der sun widern vattern / die tochter wiē die mutter / brant wider die schwiger / vñ das hawß gesind des menschen werdē seine veindt. vñ joan. am. 16. Es würd komē die zeit / so sie euch werden tötten werdē sie meinen / si thun got ein dienst daran / dan sie kennen wed den vatter noch mich. Vñd Paulus am. 1. Co. 11. Es müssen zwytacht sein / auff das die bewerten werden offenbar. auch am. 2. co. 4. Ist das euāgelium bedeckt / so ist es in den die verderben zc. Wie halt ir das Keiserlich mā dat so fein das itzo auß ist gangen / den sechste tag Marcij / darin so klar angetzeigt ist / das man die Euangelia predigen soll / wie sie gott gebotten hatt / Vñd die lerer so von der christlichen kirchen approbiert / Setzt aber

nit von der Römischen kirchen / von welcher Römische
kirchen ich kein wort in der Bibel find / wolt gern das
ir mirs zeyget / was got von der Römischen kirchen ge-
sagt het / Ich hab in den Historien der Heiligen gelesen /
das sie am meisten von der selbigē versamlug gemartert
seind worden. Sind wenig gutzs darvon / got wöl es pes-
fern. Sche mbt ir euch nit. das er alle schrift Martini
hat verlaugnen müssen. Nun hat er doch das new Testa-
ment schlechtz nach dem text verteutschet. Derhalb ist da-
mit das heilig euāgelium. vñ di epistel vnd geschicht der
apostel. zc. bey euch ketzerey gescholten. Also ist nit mit
euch zu disputirn. Auch die funff bücher Mosey / die dan
auch im Druck sind. gilt das nichts so ist mit eynem Jude
besser vnd ee zu disputirn. ich höer nit das im mit schrift
von euer keinē kein artickel vmb sey gestossen. Das höer
ich wol / das ein geleerter Jurist zu im sey trettē / gesagt
Warüb er wain: ob er noch ein ketzer sei? Aber Juristerey
dienet daher gar nicht. Ich het gemeit / ir het nach laut
des Keyserlichen mādats euer schul getzenck woll ruen
lassen biß auff beruffs zukünfftigs Lōcilū. Welchs all
hie auff offner cantzel gelesen ist wordē. vrsach weiß ich
nit / seind alhie nit seer mit Luthern angefochtē frage we-
nig darnach vnserē geistliche / künthen etlich den Psal-
ter lesen wer gleich gut Wiewol ichs sunst nit kan erfare
an keinem end verkünd sein wordē. Auch in andern landē
nit Sollen sich billich die zu Dietfurt erfrewē das sie für
die treffenlichstē in diser grossen sach / das den glauben
vnd ewigs heyll antrifft / gesehen werden. Het gemeint
es were von den hohē schulen verkündet worden / Son-
derlichen euch in dysem Bistumb vñnd landt. müst nur
gedencken ob sie gar zu hoch wer / das sie kein christ er-
schreyen könt. ich bitt euch vmb gots willenn / vnd er-
mane euch durch das vrteill / vñnd bey der gerechtikeit
gottes wöllen mir schriftlichen antzeigen die Artickell

b ij

so yr ketzerisch heist / die Martinus odder Melonckton
geschriben haben. Ich befinde je kainen im Teutschen.
der mir ketzerisch ist in meinē geyst. Ist doch warlich vil
in Teutschen zungen außgangē habs gelesen. Wir hat sy
Spalatinus alle im tittel vertzeichnet geschickt / Hab
mich ye der warheit erfaren wöllenn / Wie wol ich
irzt lang nichts gelesen hab / brauch mich der Bibel /
als auch al sein arbeit dermassen gewest / das mā dy sol
lesen / welche mir mein lieber Herr Matter so hoch befaß
zu lesen / vnd gab mir die selbige do ich zehen jar alt was
hab im aber leider nit geuolgt / auß vorsehung der geist-
lichen genäten / sunderlich obseruätzer sagtē / ich versurt
mich. Ach. wie fein lernet vñ gibt aber der geist gottes
den verstand / vñ spacirt von einem in das ander / got sei
lob / das ich das recht war liecht scheine sich. Ich will
mein einiges pfund nit vergrabē. Der Herr verley mir gnad
Das Euāgelium sagt Christus Luce am. 7. wird den armē
gepredigt / vñ selig ist der der nit geergert wirdt in mir
zē. wie Paulus. 1. Cor. am. 9. Ich predig on zier das euan-
gelium / auff das ich meinen gewalt nit mißbrauch. Ich
sag euch warlich das liecht das leucht irzt wider in der
welt. Psal. 118. Die eröffnüg deiner wort erleuchten / vñ
gebē die verstentnus den kleinen. Psal. 36. Bey dir ist der
brun des lebens / vñ in deinem liecht wern wir sehen das
liecht Joan. am. 2. Got wolt kein gezeugnus vom mēschē
dan eber west was im mēschen ward. Joan. am. 16. Der
geyst wirt mich erkleren. Joan. am. 14. Ich bin der weg
die warheit / vnd das leben. Niemand kumbt zum vatter
dan durch mich. vnd Joan. am. 9. sagt der Herr. Ich bin
komen zu einem vrteil diser welt / das die da nit sehen /
würden gesehent / vñ die gesehēden plint gemacht / sagtē
die phariseier. Seind wir dan auch plid? Antwort in der
Herr / so ir plindt werd / het irs nit sund / so ir aber sagt /
wir verstens / so bleibt euer sundt. vñ Joan. am. 8. Wer in

meine wort verhart / ist mein iunger / Und am selben Ca-
pittel. Wer auß Got ist / Der höert das wort gottes / Far-
umb höert ir es nit / ir seit nit auß got. zc. Und Ioan. am
18. Mein scheflein kennen mein stim / aber eines fröden ke-
nen sie nit / volgen jm auch nit nach. Mathei am. 24. Hi-
mel vnd erd werden vergen. aber meine wort werden nit
vergen. Und ysaie am. 40 Das wort gottes bleibt ewig-
klich. Aber solche zusagung findt ich nit vom menschen
oder Besten gesetzen / oder wortē. Zim. 2. Lo. am. 1. Das
wort gottes i seiner vheyssung ist ja on alles neyn. auß di-
sem wort ist himel vñ erd vñ alles das darin ist gemacht
Ioan. am. 1. Und gott was das wort / durch das sindt
die totten erquickt / die sunder bekert / plinden gesehendt
lamen gerad / stummen redent wordē. zc. Das ist ein schatz
kamer des heyls. aber nit ein grub der pfennig / wie das
Decretal. Durch das ist vns verheissen das leben. Mat
am. 4. vñ Ioan. am. 9. Ich ruff mit dem propheetē Miere-
mia am. 22. Erd erd erd / Höer das wort des herze. Ich bit
euch vñ beger antwort / ob ir vermeint dz ich irret / Des
ich je nit weiß. Dan Hieronim⁹ hat sich nit geschembt /
vnd zu den weibern geschriben gar vil / als zu Plessilla /
Paula / Eustochia. zc. Ja Christus selbs hat sich nit ge-
schembt / sunder gepredigt Marie Magdalene / dē frew-
lin bey dem brunnen / welcher allein vnser aller meister
ist. Ich scheuch mich nit fur euch zu komē / euch zu höre
auch mit euch zu redē. Dan ich kan auch mit teutsch frage
antwort hören vñ lesen auß der gnad gotes. So hat mā
wol Sibeln die teutsch sein / die Martin⁹ nit verteutschet
hat. Hab irselbs eine die vor ainundviertzig jarē gedruckt
ist / da doch Luthers nie gedacht ist gewest. Met mirs
got nit also verordent / möcht ich auch wie etlich thun /
geschriben habē sagen er verkeers got hat es nit gewolt
Wiewol ich keinē nit gelesen hab / der jm gerecht zuer-
teutschen geleicht / Der Herz sey sein lon hie in zeit / vñnd

24/1482.

Dort in ewigkeit / Der solchs in jm würckt. An ob gleich
Dazu kein / Danor got sey / Das Luther widerruffet / soll
es mir nichtz zuschaffen geben. Ich bau nic auff sein /
mein / oder keines menschen verstant / sunder auff denn
waren fels Christum selbst / welchen die Baumeister ha
ben verworffen. Aber er ist gemacht zu einem eckstein
vnd haubt des winckels / als Paulus am. 1. Co. 3. es kan
kein ander grund gelegt werden / Dan gelegt ist / Das ist
Christus. Wolt got ich solt in gegenwertikeit vnser drey
er Fürsten vnd gantzen gemein mit euch redē. Ich beger
von yderman gelernet zu werden. Philosophia die soll
nichts / als Paulus zum Loll. am. 2. sagt. Huert euch vor
der Philosophia / vnd Hochredē der welt weysen mēschē
Aber was sagt er meer am. 1. Co. 1. Got hat zu torheit ge
macht die weyßheit der mēschen / am. 1. Co. 3. Alle weyß
heyt der welt ist ein torheit bey gott. Juristerey schadt
mir nit / Dan sie gar nit daßer dient / götliche theologie
spüer ich nit. Darumb ich mir nit forchtet / so ir anderst
schrifflich vñ nit gewaltigklich mit gefencknus odder
dem feuer vnterweysen wölt. Jobelis am. 2. Keert wider
keert wider zu dem Herrē / Dan er ist gütig vñ barmher
zig. Der Her beclagt sich durch Jeremi. am. 2. Sie habē
mich gelassen ein brünen der lebēdigēwasser / vnd habē
inē grabē verwuste cistern die da nit mochtē behaltē dz
wasser. Ich sprich mit Paulo am. 1. zum Cor. am. 2. Ich
scheme mich nit des Euāgeliums / welches die krafft
gottes ist / die da selig macht die daran glaubē. Der Her
sagt Mat. am. 10. So ir werd fur gefordert nit sorgt was
ir werd reden / ir seyt nit die da redent / in der selben stüd
wurd euch gegeben / was ir solt reden. Annd Der geyst
eures vatters redt durch euch Ich kan kein Latein aber
ir kündent teusch / in diser zung geboren vnd ertzogen Ich
hab euch nit weibs redig geschriben / sunder das wortt
gottes / als ein gelid der christlichen kirchē / vor welch

er die pforten der hell nit besteen mögen. Aber vor der
Römischē besteen sie woll. Besecht nur die seibig kirch
wie sie vor der pforten der hell besteen werde / gott geb
vns sein gnad / das wir alle selig werdenn / vnd regirs
nach seinem gefallē / nun walt sein die gnad gottes Amē

Datum Dietfurt / Sonntags nach erhebung des heiligē
Creutzs. Anno Domini 22. Lausent funffhundert vnd im
Dreyundzwentzigisten jar. Mein handschrifte

Argula von Brumbach ein
geborne von Stauff.

Den Erwürdigen / Wirdigenn / Wolge-
bornen / Hochgelerten / Edeln vnd Cle-
sten Rectorn / vnd gemeiner versamlung
der antzen Uniuersitet zu Ingolstat.

Anno domini. M. D. LXXIIII. am abent un-
ser lieben frawē geburt / sein dise nachuolgende Artickel
Dem wolgelerten Arsacio Sehofer von Münchenn der
freyen künsten meister vor Rectorn vnd Rethē der gemei-
nen Hohen Schul zu Ingelstat surgeworffen / als soltē sie
ketzerisch vnd von yme vnchristlich gehalten vnd geleert
worden sein.

¶ Der erst Artickel.

¶ Das der glaub allein / zu des menschen rechtfertigung
genugsam sey.

¶ Der ander Artickel.

¶ Das gottes gerechtikeyt die art sey das sie got zu rech-
ne vnangesehen die werck.

¶ Der dryt Artickel.

¶ Das der mensch die rechtfertigūg mit keines wercks
verdienst erlangen mög.

¶ Der vierd Artickel.

¶ Das gott allein rechtfertige / so er seinen geyst in vns
geust an vnserē wirkung.

¶ Der fanfft Artickel.

¶ Das kein hoffnung in einicherley werck zusetzen sey.

¶ Der sechst Artickel.

¶ Das vnmöglich sey dz der glaub an gute frucht bleib.

¶ Der sibent Artickel.

¶ Wan die schrift sagt der lon werde vmb die werck
gegebē sol mā vsten man werde durch den glaubē selig.

¶ Der acht Artickel.

¶ Das die so sich vntersteen mit werckē gerechtfertiget
zu werdē / nit auff den felsen / sunder auff ein sandt bawen

¶ Der neundt Artickel.

¶ Das man in der kirchen niemants glaubē sal er predig
van das gewyßewort gottes.

¶ Der zehendt Artickel.

¶ Das man in der kirchen nichts thun noch leren soll dan was der her gewiglich geleert vnd beuolhen hat.

¶ Der eylfft Artickel.

¶ Das ein Bischoff nit zymie etwas anders dan gottes wort zuleren.

¶ Der zwelfft Artickel.

¶ Das sy Bischoff sein. darüb sollē sy gotes wort lere

¶ Der dreyzehend Artickel.

¶ Das ein man / der sich von seinem weyb scheydenn lest / macht hab ein andere zunemē / des gleichen das weyb das gescheydē ist / einem anderen sich verbeyraten / man wöl es dan dem weren das schuldig daran ist / das die erste ee gescheyden sey.

¶ Der vierzehend Artickel.

¶ Das man nit schweren sol / den ymb gottes ere vnd des nechsten not willen.

¶ Der funffzehent Artickel.

¶ Das gar nit zymlich sey / ymb zeytlicher gutter willen zu schweren.

¶ Der sechzehent Artickel.

¶ Das gesetz durch Moses gegeben / von dem mēschen fodert / das er nit halten mög.

¶ Der sibenzehent artickel.

¶ Das Euangelion Christi nicht ein geyst sey / sunder buchstaben / wider sant Paulus leer / der da spricht in der andern zu den Corinthern am. 3. der buchstab tödet der geyst aber macht lebendig vnd versteet do selbst / durch den buchstaben Moses gesetz / durch den geyst aber das euangelisch gesetz zc.

**Welche artickel hat der obgenāt Arsa
tius Geboffer wie hernach volgt / widerrufft vnd
verworffenn.**

c i

Ich Arsatius Geboffer von Wünche der freye künst
meyster / Schwere auff das heylig Euangelion das
ich in meinen hendē hab / vñ bekē hie mit diser schrift
so ich mit meiner eygener hand geschriben hab / vñ
mit meinem selbs mund / vor euch Herren Rector vñ
Rethe / vñ gemeiner Hochschule der löblichen Uni-
uersitet zu Ingolstadt / hie mit lyk vñ aussprich / Wie-
wo! ich hie vor mit freuelicher / falscher / irriger der
Lutherischen ketzerey verdacht / vñ manigfeltig be-
fleckt gewesen bin / das ich die in manig weg mit lerē
schreyben / vñ verfechten außgebreyt vñ meines ver-
mögens geteutschet hab / deßhalb ich dan in der obge-
melten / meines Herrn Rector vñ Rethe der Uniuersi-
tet gefencknis kommen byn / vñ ein straff (wie dann
dise nach gemeinē rechten den verfechtern der ketzerey
en / außgelegt werdē sol) verschult het / hab ich doch
bei den selben auß sonderer befehl vñ gnediger hand-
lung / der Durchleuchtigen Hochgebornen Fürstenn
vñ Herren / Herren Wilhelm vñ Herrn Ludwig / ge-
brüdere Pfaltzgrauen bey Reyn zc. die gnad erlangt
das solche ernstlich straff gegen mir ab vñ hin gestellt
ist wordenn / also das ichs ytzundt solt demütigklich
bekennen vñ widerruffen / Wierauff so bekenne ich
hie mit / das alles so in meinen Lektionen durch mich
auß den schryfftē Philips Melonchtōs gelesen. auch
sonst durch mich geredt vñ geschriben / vñ ytzo
hienor durch den notarien gemeiner vniuersitet gelesen
ein recht ertzketzerey / vñ büberey sey / das ich auch
der selben allen / wie von Bestlicher heyligkeyt Key-
serlicher Maiestat vñ Hochgenantē meines gnedigē
Herren / verboten ist nymer anhangē odder gebrauchē
sonder als einem frommen christen wol zuftet / alles dz
jenig so die heilig Römisch christlich kirch die heiligē

Concilia geordnet vnd gesetzt haben / vnd durch ein
erbarē christlichē brauch angenommen ist wordē. Haltē
wille / vnd mich mit meinem selbs leyb / in das Kloster
Cetal stellen / Darauf on sondern beuelß vnser gnedi
gen Herrn nicht komē auch der ende / kein Lutherisch
lesenn noch außgeben wolle / Das helfff mir gott Verr
almechtig zc.

Dem Christlichen Leser gnad vnd frid

¶ Sie lieber Christlicher Leser was tieffer blindheyt
in den Theologen zu Ingelstat ist / die nicht allein die
christen das lauter wort gottes vnd gantze schryfft zu
uerlaugnen dringen sunder auch den heyligen Paulum
in dem lestē artickel zu einem lugner wöllen mache dā
sie sprechen er hab durch den buchstaben Moses ge
setz vnd durch den geyst / das Euangelisch gesetz ver
standen / so er doch selbs / eben am selben ort sagt got
selbs sey der geyst / daran der buchstab. ist die schrift
in buchern / vnd die stym in des menschen oren / es sey
gesetz oder euangeli. / des geyst aber ist got selbs / der
in vnserm hertzen wirckt / das wir dem wort glauben
das ist lebendig werden / vnd darnach wachsen vñ
fruchtbringen. Sie wissen aber nit was sie reden / zey
gen aller welt an / das sie noch nye gelernet habē was
Euangelion sey.

¶ Der fryd gottes sey mit euch Amen.


79 559 BK

Faint, illegible text, likely bleed-through from the reverse side of the page.

4.5



X 2207092



N. 201. 57.

III,

*Vg
559*

Die ein Erbare Christliche Frau in
men Argula von Gumpach geboren
Stauff/in Bayern durch iren/in Bötlicher schrifft
gegründten Sendtbrieff/die Hochenschul zu Ingol
st/ vmb das sie einen Euangelische Jüngling (Des na
Arsatius Schouer von München) zu widdersprech
des worts Gottes/betragt haben/straffet.



Auch volgen hiernach die Artickel so
gister Arsatius Schouer von München/durch die
Hochenschul zu Ingolstat berecht am abêt vnser Frauen
ort nechst vorschynen/widderruffen vnd verworff
fen hat.

Actum Ingolstat. M. D. XXXij.

cc

